

ԲԱՆԱՎԵՃԵՐ ԵՎ ՔՆՆԱՐԿՈՒՄՆԵՐ ДИСКУССИИ И ОБСУЖДЕНИЯ

ԳՅՈՒՂԱՑԻՈՒԹՅԱՆ ՃՈՐՏԱԿԱՆ ԿԱԽՎԱԾՈՒԹՅԱՆ ՄԱՍԻՆ
ԱՐԵՎՄՏՅԱՆ ՀԱՅԱՍՏԱՆՈՒՄ XIX ԴԱՐԻ ՎԵՐՋԻՆ ՔԱՌՈՐԴՈՒՄ
ԵՎ XX ԴԱՐԻ ՍԿՋԲԻՆ

Ա. Ս. ՀԱՄԲԱՐՅԱՆ

Սովետական պատմաբանները ճորտատիրությունը հասկանում են երկու կերպ. ոմանք այն բմբոնում են որպես գյուղացիության ֆեոդալական ամեն մի կախվածություն՝ սկսած ֆեոդալական հարաբերությունների նախնական ձևերից, վերջացրած նրանց ավարտուն ձևերով: Մյուսները ճորտատիրության տակ հասկանում են ֆեոդալական հարաբերությունների միայն ավարտուն և ամենածանր ձևը: Վերջիններս այս ձևի բնորոշ հատկանիշներն են համարում գյուղացիների ամրակցումը հողին, աղատ տեղաշարժի իրավունքի արգելակումը և գյուղացու նկատմամբ կալվածատիրոջ՝ իրավաբանորեն ձևակերպված անձնական ու վարչա-դատական իրավունքներ ունենալը:

Մեր կարծիքով, ճորտատիրության այդ երկրորդ բմբոնումն ավելի ճիշտ է: Ֆ. էնգելսը, խոսելով միջնադարյան Գերմանիայի գյուղացիության մասին, ֆեոդալական կախյալ գյուղացիներին տարբերում էր ճորտերից: Նա գրում էր. «Գյուղացու վրա էր ծանրանում հասարակության շերտերի ամբողջ կառուցվածքը — իշխանները, պաշտոնյաները, ազնվականությունը, քահանաները, պատրիկները և քաղաքացիները: Արդյոք նա կպատկաներ որևէ իշխանի, թե՛ կայսերահպատակ որևէ ազատ ասպետի, որևէ եպիսկոպոսի, թե՛ վանքի, կամ որևէ քաղաքի, դա միևնույն է, — ամենուրեք նրա հետ վարվում էին իբրև մի առարկայի հետ, իբրև մի բեռնատար կենդանու հետ և նույնիսկ ավելի վատթար ձևով: Եթե նա ճորտ էր, լիովին կախված էր իր տիրոջ ողորմածությունից կամ տհաճությունից: Եթե սոսկ հպատակ գյուղացի էր, հապա նրան ճնշելու համար արդեն բավական էին օրենքով և պայմանագրերով սահմանված պարտականությունները, որոնք օրրստօրե ավելանում էին»¹:

¹ Ֆ. էնգելս, Գերմանական գյուղացիական պատերազմը, Երևան, 1934, էջ 421: Դժբախտաբար, այս քաղվածքի հայերեն թարգմանությունն անհամոզ է: Գախյալ գյուղացին թարգմանված է հպատակ, իսկ վերջին մասում որոշ բառեր ուղղակի բաց են թողնված, որի հետևանքով միտքը տուժել է: Մեր կարծիքով, ավելի կատարյալ է ռուսական թարգմանությունը, որը հարկ ենք համարում բերել: «На крестьянина ложилась своей тяжестью вся общественная пирамида: князья, чиновники, дворянство, попы, патриции и бюргеры. Принадлежал ли он князю, имперскому барону, епископу, монастырю или городу — с ним всюду обращались как с вещью или вьючным животным, или же еще того хуже. Если он был крепостным, он находился всецело во власти своего господина; если же он был зависимым, то уже одних законных, установленных по договору повинностей было вполне достаточно, чтобы его придавить, а эти повинности увеличивались с каждым днем» (К. Маркс и Ф. Энгельс, Сочинения, т. 7, էջ 356):

Վ. Ի. Լենինը, ճորտատիրական տնտեսության մասին խոսելիս, նույնպես մատենանշում էր գյուղացիության ֆեոդալական կախվածության տարրերակները: Նա գրում էր. «Եթե կալվածատերն անմիջական իշխանություն չունենար գյուղացու անձի վրա, ապա նա չէր կարող հարկադրել իրեն համար աշխատելու այն մարդուն, որը հողաբաժին ունի և սեփական տնտեսություն է վարում: Հետևաբար անհրաժեշտ է «արտատնտեսական հարկադրանք», ինչպես ասում է Մարքսն այս տնտեսական ուժի մը բնորոշելիս... Այս հարկադրանքի ձևերն ու աստիճանները կարող են շատ ու շատ տարբեր լինել, ճորտային կացությունից սկսած և գյուղացու դասային անիրավահավասարությամբ վերջացրած»²:

Վ. Ի. Լենինը մի այլ առիթով տալիս էր ճորտի հետևյալ բնութագրումը. «Ճորտատիրական իրավունքի հիմնական հատկանիշը,— գրում էր նա,— այն է, որ գյուղացիությունը... համարվում էր հողին ամրացված...»³:

Թուրքիայի և Արևմտյան Հայաստանի ճորտատիրության մասին խոսել են ինչպես բուրժուական, նույնպես և մարքսիստ պատմաբանները: Այսպես, Լեոն գրում էր. «Մի շատ սխալ կարծիք կա տարածված, թե Թուրքիայում... ճորտությունը գոյություն չի ունեցել... Թուրքիան, ժառանգելով Բյուզանդիայից նրա քաղաքական և տնտեսական հիմնարկությունները, յուրացրել է և ճորտությունը՝ իբրև մեկն այդ հիմնարկներից... Հայ գյուղացիությունը, բացառապես, բուրդ ազնվականության ճորտն էր»⁴: Սակայն Լեոն բացի ճորտատիրությունից գյուղացիության ֆեոդալական կախվածության ուրիշ ձև չէր նշում:

Մ. Ներսիսյանը, ուսումնասիրելով արևմտահայ ժողովրդի ազգային-ազատագրական շարժումները, կանգ առավ գյուղացիների սոցիալական-տնտեսական դրության վրա և ցույց տվեց, որ նրանց մի մասը եղել է ֆեոդալական կախումից ազատ, իսկ մյուսը գտնվել է կախյալ և ճորտական վիճակում: Նա նշում է. «Արևմտահայ գյուղացու ճորտական վիճակը շարունակվեց 1890-ական թվականներին և ավելի ուշ՝ XX դարի սկզբին»⁵:

Ճորտատիրությունը Թուրքիայում առաջացել էր և ստացել իրավաբանական ձևակերպում տակավին միջնադարում: Այսպես, սուլթան Սուլեյմանի կանոններից մեկում ասվում էր. «Թիմարից փախած ռայաթներին հավաքելը օրենք է: Սակայն շտարածել այդ նրանց վրա, որոնք ավելի քան 15 տարի անգործ են որևէ տեղում»:

Թուրքական կառավարության այդ օրենքը տարածվում էր նաև Արևմտյան Հայաստանի վրա: Ա. Սաֆրաստյանի և Մ. Զուլայյանի կողմից վերջերս հրատարակած օսմանյան օրենքների ժողովածուում էրգրումի վիլայեթի ռայաթների մասին կարգում ենք. «Եթե ռայաթը, իր ձևերում հող ունենալով հանդերձ, փախչի, սփառվի օրենքով իրավունք ունի նրան իր տեղը վերադարձնելու: Սակայն տաս տարուց ավելի մի տեղում բնակվողին ետ բերելն արգելվում է»⁶:

2 Վ. Ի. Լենին, Երկեր, հատ. 3, էջ 224—225:

3 Նույն տեղում, հատ. 29, էջ 592:

4 Լեոն, Թուրքահայ հեղափոխության զաղափարաբանությունը, Փարիզ, 1934, հատ. II, էջ 38:

5 Մ. Գ. Ներսիսյան, Հայ ժողովրդի ազատագրական պայքարը Թուրքական բռնապետության դեմ, Երևան, 1955, էջ 51:

6 «Аграрный строй Османской империи XV—XVII вв.». документы и материалы, М., 1963, էջ 33:

7 Օսմանյան օրենքները Արևմտյան Հայաստանում (XVI—XVII դդ. կանոնադրություններ), Երևան, 1964, էջ 22:

Ուշագրավ է, որ թուրքական օրենքները արգելում էին ոչ միայն թուրք, հայ, այլ նաև քուրդ գյուղացիների տեղափոխումները: Նույն ժողովածուում նշվում էր, որ եթե քրդական «ցեղից զրանցված մարդիկ ցանկանան դնալ ուրիշ տեղ, սիսիահին համաձայն զաֆթարի արգելիլու իրավունք ունի»⁸:

Սակայն թուրքիայում և Արևմտյան Հայաստանում ճորտատիրությունն ուներ իր առանձնահատկությունները: Ի տարբերություն հարավային մի շարք երկրների, որտեղ ճորտերը ամրացված էին կալվածատիրոջ անձնավորությանը, այստեղ նրանք ամրացված էին տվյալ շրջանին կամ գյուղին: Այդ առանձնահատկությունը բխում էր մի կողմից ֆեոդալական հողատիրության ռազմա-լենային բնույթից, իսկ մյուս կողմից՝ շարիաթի սկզբունքներից: Ռազմա-լենային հողատիրության ժամանակ կալվածատերն իրավաբանորեն ցմահ էր տիրում տվյալ շրջանին կամ գյուղին, որի հետևանքով ճորտերը չէին կարող զրանցվել նրա անունով, իսկ շարիաթը արգելում էր անձնական կախվածությունը:

XIX դարի 30—40-ական թվականներին թուրքիայում և Արևմտյան Հայաստանի մի շարք շրջաններում ռազմա-լենային հողատիրությունը փոխարինվեց կալվածատիրական հողատիրությամբ, բնաջնջվեցին շատ գերերկյաներ, որի հետևանքով զգալի չափով աճեց ազատ գյուղացիների թիվը: Սակայն ղեկավարությունն ու նորատիրությունը չվերացան: Դ. Թեյլորը 1860-ական թթ. արձանագրում էր, որ Դիարբեքի վիլայեթում բրիտանացիները՝ հայերն ու ասորիները, իրենց քուրդ տերերի կողմից անվանվում են «զար-դուլի», այսինքր՝ «զեզինով, ոսկով զնված», «որը միանգամայն ճիշտ է», քանի որ «քրդերն այդ մարդկանց զնում ու վաճառում են որպես ոչխար կամ որևէ այլ անասուն»:

Դ. Թեյլորն անդրադառնում էր բրիտանացիների ճորտացման պատմությանը և ցույց էր տալիս, որ սկզբում նրանք քրդական ցեղապետներին արաբխուս հարկի պես դրամական հարկ էին վճարում, որպեսզի սրանք պաշտպանեն իրենց անձն ու զույգը, բայց հետագայում, օգտվելով բրիտանացիների ազդատությունից ու թշնամությունից, ուժեղացրին իրենց իշխանությունը նրանց նկատմամբ և զրեցին կապալային վիճակի մեջ: Նա գրում էր, թե «այժմ նրանց (այսինքն՝ բրիտանացիների — Ա. Հ.) գրությունը ներկայացնում է հետևյալ պատկերը. նրանք ձեռքից-ձեռք են անցնում ամբողջ համայնքներով՝ իրենց մշակելի հողերի հետ միասին, բայց չեն կարող վաճառվել առանձին-առանձին»¹⁰:

Րաֆֆին, 1850—1870-ական թթ. շրջագայելով Արևմտյան Հայաստանում, նշում էր, որ թուրք և քուրդ գերերկյանները բռնությամբ հափշտակել են հայ գյուղացիների հողերը, որի հետևանքով «հայր դարձել է գերերկկի կամ յուր սուր աղալի ձեռքում նուր»¹¹:

Արևմտյան Հայաստանում գյուղացիության ճորտական կախվածությունն ավելի ուժեղացավ և ընդունեց նամենատարաւ լայն տարածում 1877—1878 թթ. ռուս-թուրքական պատերազմից հետո: Դրան մեծապես նպաստեց մի կողմից սուլթան Արդուլ-Համիդի ազդային քաղաքականությունը, իսկ մյուս կողմից՝ սուլթանա-դրամական հարարերությունների թույլ զարգացումը:

⁸ Սույն տեղում, էջ 30:

⁹ Д. Теппор, Путешествие по Курдистану, Тифлис, 1873, էջ 76:

¹⁰ Նույն տեղում, էջ 77:

¹¹ Րաֆֆի, Երկեր, հատ. 9, էջ 251:

Սուլթանը հայ ազգային-ազատագրական շարժման դեմ պայքարելու նպատակով պատերազմից հետո սկսեց ամրապնդել Արևմտյան Հայաստանում իր հենարանը՝ ֆեոդալների դասակարգը: Նա այդ բանը կատարեց դանդաղ և անպարհաներով, որոնցից ամենազրկավորը համիդական զնդերի կազմակերպումն էր: Արդուլ-Համիդն այդ զնդերի մեջ մտած բրդական ցեղապետներին տալով փաշա, միրալա և այլ տիտղոսներ, օժտեց նրանց մի շարք արտոնություններով, վարչա-քաղաքական ֆունկցիաներով և բարձրագույն նրանց ազդեցությունը իրենց ցեղակիցների ու հպատակ ղյուղացիների մեջ: Կարինի ուսական հյուպատոս Ա. Ս. Պրժևալսկին նշում էր, որ ամեն մի զանգատ կամ բողոք համիդական զնդերում մտած ցեղապետների դեմ կառավարության կողմից ճշգրիտ մի օրակարգ փաղիշահի անձի վերավորում կամ 15 կորպուսի մուշիր Զարբիփաշայի դեմ ուղղված բանասարկության արդյունք»¹³:

Արդուլ-Համիդը, մյուս կողմից, սկսեց արգելակել հայ ղյուղացիների տեղաշարժն ու արտագաղթը: Դեռ 1879 թ. նա առաջարկեց Կ. Պոլսի հայոց պատրիարքին. «խրատել հայ բնակիչները հարստահարությունից պատճառով հայրենիքին թողլու նպատակին ևս կեցնելու»¹⁴:

Ապա սուլթանը հանձնարարեց վիսայեթների ու սանջակների կառավարիչներին հետևել հայերին և կանխել նրանց արտագաղթը: 1888 թ. մի հաղորդման մեջ ասվում էր. «Բ. դուռը նորեն խիստ հրահանգներ դրված է զավառական իշխանություններին, որ չթուլատեն հայերին Ամերիկա երթալ»¹⁵:

Սուլթանը կարգադրեց արգելել հայերի տեղափոխումները ղյուղից քաղաք, սանջակից սանջակ և անգամ ղյուղից ղյուղ: Եվ նահանգական ու զավառական իշխանությունները համարյա ամենուրեք իրագործում էին սուլթանի այդ կարգադրությունը: 1901 թ. ականատեսներից մեկը Սղերդից գրում էր, որ հայերին «Պոլիս կամ նույնիսկ ուրիշ նահանգներ ճամբորդել խստապարտ է, անցագիր բնավ չեն տալ»¹⁶: Իսկ 1904 թ. Դեղուշկան (Ա. Դարբինյանը) նշում էր, որ Վանում «տեղական իշխանությունը աշխատում է քաղաքում թափառող... գաղթականներին վերադարձնել իրենց ծննդավայրերը»¹⁶:

Խարբերդի գաշտի հայ ղյուղացիները 1902 թ. վարձում են մահմեդական վելեդ և զադտնի կերպով ուզում են փախչել արտասահման: Սակայն տեղական իշխանությունները, նկատելով նրանց փախուստը, ևս են վերադարձնում: Ականատեսներից մեկն այդ առթիվ գրում էր. «Անցած շարժուն ոստիկանությունը լուր առած ըլլալով, թե հանգեղցի ծանոթ թուրք ջորիպան մը նորեն փախստականներ կտանեն՝ փութով հեծելագործներ ու փոխ-գոմիսեր մը զրկեց Մալաթիայեն անդին, ուրկե 40 ղյուղացիներ ձերբակալելով ևս զարձուցին: Տեսնելու էր այն ողբալի, այն վերին աստիճանի թշվառությունը, որ կծածկեր զանոնք, և այն հուսահատությունը, որ զրոշմված էր անոնց զեմքերուն վրա»¹⁷:

Արդուլ-Համիդի այդ քաղաքականությունը, ինչպես ասվեց, ուղղված էր ամենից առաջ հայ ազգային-ազատագրական շարժման դեմ: Բայց այն միաժամանակ նպաստում էր ֆեոդալական հարաբերությունների ամրապնդմանը:

¹³ А. М. Пржевальский, Визитер Эрзерум. Тифлис, 1904, ч. 1, № 50.

¹⁴ Կ. Սրվանձադյան, Թորոս աղբար, Կ. Պոլիս, 1879, մաս Բ, էջ Իէ:

¹⁵ «Մշակ», 1888, № 129:

¹⁶ «Դրոշակ», 1901, № 7, էջ 119:

¹⁷ «Մուրճ», 1904, № 4, էջ 27:

¹⁸ «Դրոշակ», 1902, № 9, էջ 137:

ու զարգացմանը, աշխատավոր գյուղացիությանը դնում էր ճորտատիրական վիճակի մեջ: Վ. Ի. Լենինը «Գյուղական շրջավորությանը» աշխատության մեջ քննադատելով Ռուսաստանի ինքնակալական կարգերը, գրում էր. «Ռուս մուծիկը դեռ այնքան է ստրկացած աստիճանավորներին, որ չի կարող ազատորեն քաղաք տեղափոխվել, չի կարող ազատորեն հեռանալ ու բնակվել նոր հողերի վրա: Մինիստրը հրահանգում է, որ նահանգապետները թույլ չտան ինքնագլուխ վերաբնակություններ... Մուծիկը... առանց իշխանավորի տեղից շարժվել անգամ չի համարձակվի: Արժեք, սա նույնպես կախում է (ընդգծում) մեր մերն է — Ա. Զ.)»¹⁸, Վ. Ի. Լենինի այս խոսքերն առավել շարժել կարելի է վերագրել նաև թուրքական բռնապետական կարգերին:

Արդու-Համիդի վարած ազգային ու ազգային քաղաքականության հետևանքով Արևմտյան Հայաստանում աղաներն ու բեյերը լայն չափերով սկսեցին բռնադրավել գյուղացիական հողերը: Ըստ մեր ձեռքի տակ եղած ոչ լրիվ տվյալների, նրանք հայկական վեց վիլայեթներում բռնադրավեցին 1.030.300 օրավար կամ 74.600 հեկտար վարելահող¹⁹:

Աղաներն ու բեյերը շրջավարարվեցին միայն գյուղացիների հողերի բռնադրավումներով: Կառավարության թողտվությամբ նրանք տարածեցին իրենց իշխանությունը նաև բազմաթիվ գյուղացիների վրա, դարձնելով նրանց կախյալներ ու ճորտեր: Մի կողմ թողնելով կախյալ գյուղացիներին, որոնց դուրսը ուսումնասիրումը դուրս է սույն հոդվածի նպատակներից, բնութագրենք ճորտ գյուղացիների վիճակը XIX դարի վերջին քառորդում և XX դարի սկզբին, հաշվի առնելով վերևում սովետական մասնագետների կողմից ճորտությանը տված հատկանիշները:

Արևմտյան Հայաստանի մի շարք շրջաններում աղաներն ու բեյերը արգելակում էին իրենց իշխանության տակ գտնվող գյուղացիների ազատ տեղափոխումները: Մեր ձեռքի տակ կան այդ մասին բազմաթիվ նյութեր: Բերենք դրանցից մի քանիսը:

1902 թ. մայիսին Բուլանթի կաղայի խանօղլի գյուղի հայերը, շտանելով Բրզախ աղայի ճնշումները, ստիպված են լինում թողնել տուն ու տեղ, հող ու ջուր և հեռանալ. այդ պարագային Բրզախ աղան դիմելով Մանազկերտի բերդը, կառավարությանը կրողոթն հայերու դեմ, «հայերը հատուկ դիտումով կհեռանան, և յուրաքանչյուրի վրա մեծ առևելիքներ ունիմ, ետ վերադարձուցեք» կոսե, ո՞ր կառավարական պաշտոնյան կհամարձակի աղայի խոսքին ու կամքին հակառակ բան մը արտասանելու խանօղլի գյուղացուց բոլոր բողոքները անլսելի կմնան, ծեծի ու սպառնալյաց ներքև ետ կվերադառնան»²⁰:

Նույն թվին Վանի սանջակի Սևան գյուղի հայերը, չցանկանալով այլևս տանել Միրզա աղայի հարստահարումներն ու բռնությունները, փորձում են գիշերով փախչել: Սակայն աղայի զինակիցները ստիպում են նրանց ետ վերադառնալ²¹:

1903 թ. Սասունի Պերմ գյուղի բնակիչները, հարստահարվելով ու կեղերվելով Քեոք Սրլոյի կողմից, անհնարին են համարում այլևս մնալ իրենց տե-

18 Վ. Ի. Լենին, Երկեր, հատ. 6, էջ 506:

19 «Ազատամարտ», 1911, № 459:

20 «Դրոշակ», 1902, № 7, էջ 103:

21 Նույն տեղում, № 9, էջ 136:

դում, և «կորոշեն դադթել տնով, տեղով: Աղան իմանալով պերմեցող այս խորհուրդը, անմիջապես բրդերը կլեցնե դյուղը, կպաշարե, ճամփաները կփակե և չի թողուր, որ հեռանան»²²:

Կ. Երևանյանը պատմում է, որ Չարսանջակի Վասկերտ դյուղի բնակիչները, թվով ավելի քան 110 ընտանիք, չտանելով աղայի հարստահարումները, որոշում են մասնաշարքար դադթել Բերրի Բայց գիտենալով, որ աղան թույլ չի տա, նրան հայտնում են, թե տանում են իրենց ամանեղենները վաճառելու: Երբ տեղ են հասնում, հրաժարվում են ետ վերադառնալ և դիմում են հայոց հոգևոր առաջնորդին՝ խնդրելով վերցնել իրենց իր պաշտպանության տակ: Այնուամենայնիվ, «Վասկերտի աղան, Էրեք տարի ետք, Բերրի կուղա և կհաջողի 12 տուն համոզել և Վասկերտ վերադարձնել»²³:

Ընտրոշ է, որ աղաներն ու բեյերը արգելակում էին ոչ միայն իրենց դյուղացիների, այլև բատրակության եկած մարաբանների տեղափոխումները: Այսպես, 1912 թ. Չարսանջակից երկու մարաբաններ զենում և վարձվում են հարբույժյան Հարությունի մոտ, որի կալվածքը տեղավորված էր հարբերդից 3 մամվա հեռավորության վրա գտնվող խնձոր դյուղում: Նրանք մնում են վեց ամիս: «Սակայն չափազանց դժգոհ մնալով հարբույժյանի առաջարկներեն ու նորանոր պայմաններեն, կձգեն դյուղը և կհեռանան... հարբույժյան լսելով, որ պիտի փախչին, իր գործակատար Մուհամմեդը անոնց ղեմը կղրկե, որ արգիլե»: Գործակատարը կատարում է հարբույժյանի հանձնարարությունը, բռնում է մարաբաններին ճանապարհին, առաջարկում ետ վերադառնալ, երբ չեն հնազանդվում, կրակում է նրանց վրա և մեկին սպանում»²⁴:

Ըստ երևույթին բատրակ-մարաբանների ճորտացումը աղաների ու բեյերի կողմից տարածված երևույթ էր հարբերդի դաշտում: Ա. Մ. Կոլյուբակինը տակավին 1880-ական թթ. կեսերին գրում էր, թե հարբերդի կաղայում մարաբան մոտ է «ճորտական կախվածությունը, իսկ քստ էության գտնվում է անգամ անհամեմատ ավելի վատ վիճակում»²⁵:

Արևմտյան Հայաստանում աղաներն ու բեյերը ճորտական կախվածության մեջ էին դրել ոչ միայն հայ, այլև քուրդ դյուղացիներին: Այսպես, Խ. Ի. Տերմենը գրում էր, որ Հերջարում բրդերի «խնթնակամ» անցումը մեկ աշիրեթից մյուսը արգելվում էր²⁶:

Համարյա նույն բանն էր հաստատում նաև Վ. Գորդկեսկին. նա հիշատակում էր, որ մարխուրիների մոտ, որոնք ապրում էին Սիփհան-դաղի շրջակայքում, քուրդը առանց ցեղապետի թույլտվության «ոչ մի տեղ չի զննում»²⁷:

Ուշագրավ է, որ դյուղացիների ազատ տեղափոխումների արգելակումը իր արտահայտությունն է գտել նաև զեղարվեստական գրականության մեջ: Վ. Փափաղյանի «Արաղայի դաշտում» պատմվածքի մեջ Օմար աղան ցեղապետերից մեկի հետ գրուցելիս ասում է. «Իմ հողիցն էլ 10—15 տնվոր փախել են»:

²² Նույն տեղում, 1903, № 2, էջ 22:

²³ Կ. Երևանյան, Պատմություն Չարսանձաղի հայոց, Պեյրոթ, 1956, էջ 209:

²⁴ «Բյուզանդիոն», 1912, սեպտեմբերի 14:

²⁵ А. М. Коллюбакин, Материалы для военно-статистического обозрения Азиатской Турции, Тифлис, 1891, т. III, ч. I, отд. 2, 4, էջ 385:

²⁶ Р. И. Термен, Отчет о посидке в санджак Хеккиари Ванского вилайета в 1906 г., Тифлис, 1910, էջ 132:

²⁷ «Мусульманский мир», Петроград, 1917, вып. 1, էջ 33:

ուշ իմացա, թե չէ՝ ով կթողներ, եղի՞ն էլ կթողնեն, որ աշխատանքից փախչի»²⁸։

Աղաներն ու բոլորը, ամրացնելով գյուղացիներին հողին, ստիպում էին նրանց կատարել աշխատավճարային ունեւոր՝ նրանք տալիս էին գյուղացիներին բաժնեհող՝ իբրև աշխատավարձ և դրա դիմաց տուգարկում էին անդարիա կամ օլամ անել, այսինքն՝ կոո կստարել։ Ո՛րչա է, ինչպես Թուրքիայի այլ շրջաններում, նույնպես և Արևմտյան Հայաստանում անդարիան ու օլամը պաշտոնապես հայտարարվեցին վերացված տակավին XIX դարի 30-ական թվականներին, բայց իրականում դրանք շարունակում էին կիրառվել ոչ միայն նույն դարի վերջին քառորդում, այլև XX դարի սկզբին։ Այսպես, Շատախում աղաները բացի զանազան մթերքներից, վերցնում էին նաև Միծանց գյուղից՝ 102, Կաղպի գյուղից՝ 100, Հաճևտից՝ 200, Հինենցից՝ 20, Իսկ Հիդի գյուղից՝ 120 սարակ, այսինքն՝ մշակ, աշխատող

Սասունի Պերմ գյուղում Քեոթ Սրլոյի ծառաները, ականատեսներից մեկի վկայությամբ, տանում էին «հայերու մեծ ու փոքրին ղեպի Քեոթի ընդարձակ կալվածները։ Հայր պետք է նախ աղայի վար ու ցանքսը ընե, հետո անոր բազմաթիվ բարեկամներու, աղապաններու և խոլամներու, և անկե վերջը միայն հայն իրավունք ունի իրեն համար աշխատելու։ Հայն է, որ քյուրդերու վարուցանքսն ընկել հետո, պետք է ջրե արտերը, հերկե, մաքրե և զոյացած ցորեն կամ ուրիշ հացահատիկներ տանի քյուրդի ամբարները։ Հայերը պարտավոր են Քեոթի անհամար ոչխար-տավարների համար խոտ բաղել, շորցնել, տերեկ կտրել, շորցնել և դիդել։ Քեոթ Սրլոն ամեն տարի, ձմեռը, իր ոչխարների մեծ մասը կհանձնե հայերուն պահելու, եթե մեկ ոչխար սատկի, պետք է հայր վճարե»³⁰։

Վարդոյի դավառի Պազբան գյուղում Մրահեն աղան իր դուլամներով տանում էր հայ գյուղացիներին օլամ անելու։ Ականատեսներից մեկը գրում էր, թե այդ «ղեղեն հեռու բանակի մը պես բազմություն մը կերթար և անոնց առջևն 10, 12 ձիավոր տիղավոր քրդեր, այն բանականման բազմությունը Պազբանա հայերն էին, դերանդին իրենց ուսերուն վրա, իրենց հաց իրենց քամակն առած, և ձիավորները քուրդ Մրահեն էր ու իր մարդեր, որ ղահայեր կտանեին օլամով խոտ քաղել տալու, երեք օր այնպես բանեցուցած էր, ու առավոտ երեկո ալ ինքն և իր մարթիկ իրենց ձիերով հայոց տուններ կիջնեին կուտեին»³¹։

Արճեշի դավառի Սոսկուն գյուղում Դարվիշ աղան, ինչպես նշում էր Ա-դոն. «ձմեռվա սառնամանիքներին ստիպում էր Սոսկունի հայերին հերթով, խումբ-խումբ դնալ երկու ժամ հեռավորության վրա գտնվող Գոգե գյուղը, ուր գտնվում էր Դարվիշ աղայի խոտը և այնտեղից շալակով խոտ բերել Սոսկուն՝ ոչխարը կերակրելու համար. այս աշխատանքը շարունակվում էր ամբողջ ձմեռը։ Աղային հող չէր, որ ձմեռվա սառնամանիքներին ձյունով բռնված ճանապարհներով ահագին շալակած խոտը երկու ժամ ճանապարհ տանելը նույն-նիսկ զրաստի ուժերից վեր էր»³²։

Արաղայի դաշտում հայ գյուղացիները իրենց տիրակալ Կոփ Մամադ բեկի հրամանով աղետում էին Թանդուրեքի լեռների շնզլները և այնտեղից շալակով

28 Վ. Փ ա փ ա ղ յ ա ն, Երկեր, հատ. 3, էջ 385։

29 «Մասիս», 1872, նոյեմբերի 9։

30 «Դրոշակ», 1903, N 2, էջ 21։

31 «Դիվան հայոց պատմության», հատ. 13, էջ 91։

32 Ա-դ ո, Վանի, Բիթլիսի և էրզրումի վիլայեթները, Երևան, 1912, էջ 321։

ցախ էին կրում Մակու՝ Ղարանի գյուղը, ուր ապրում էր հիշյալ բարրարոսը, այդպես բեռնավորված կտրելով 40—45 վերստ մի հսկա տարածություն»³³։

Արևմտյան Հայաստանում աշխատավճարային ունեւայի առանձնահատկություններից մեկը կայանում էր նրանում, որ այն հաճախ միահյուսվում էր ֆեոդալական հարկի հետ։ Դրա կոնկրետ արտահայտություններից մեկը ղշապությունն էր։ Աղաներն ու բեյերը երկրի սրուշ շրջաններում իրենց ընտանիքներով, զինակիցներով ու անասուններով իջնում էին սարերից ու ձմեռում հոսպտակ գյուղացիների տներում։ Նրանք ստիպում էին գյուղացիներին թոնիո վառել, հաց թխել, ջուր բերել և կերակրել իրենց ու իրենց անասուններին։ Ուշտ է, թուրքական կառավարությունը տակավին 1830-ական թվականներին նույնպես պաշտոնապես վերացրել էր ղշապությունը, բայց քրդական կիսարոշվոր ու քոչվոր ավաղանին չէր հրաժարվում դրանից։ 1909 թ. թղթակից Եկզամը գրում էր, որ վրանաբնակ քրդերից զշատերը աշնան ատեն իրենց վրաններով, տավարի, ուխարի հոտերով, ընտանիքով ու ծառաներով հայ գեղերը կիսուծեին, հայոց տները կտեղավորվեին ու կձմերեն։ Այս բոնի և անտանելի բնակակցությունը զրշաք կկոչվեր»³⁴։

Աշխատավճարային ունեւայի առանձնահատկություններից մյուսն այն էր, որ պետության կողմից ղշային որոշակի սահմանված օրեր գյուղացիական տարապարհակների համար։ Աղաները գյուղացիներին աշխատեցնում էին տարվա ցանկացած եղանակին և ցանկացած չափով։ Բաֆին գրում էր, որ Արևմտյան Հայաստանում «Աղայի հարաբերությունները և նրա պայմանները, հողի մշակության մասին, ուայայի (հոստակի) հետ, ամեն տեղ միակերպ չէին։ Յուրաքանչյուր գյուղ ուներ իր անանձին օրենքները և պայմանները»³⁵։

Աղաներն ու բեյերը, բացի տնտեսական հարստահարումից ու շահագործումից, Արևմտյան Հայաստանի գյուղացիների նկատմամբ ունեին նաև անձնական ու փորձադատական լաշն յրավունքներ։

Ֆեոդալը, հասկապես քուրդ ֆեոդալը, հանդես էր գալիս որպես հողատեր, ռազմական առաջնորդ, պետական պաշտոնյա, վաշխաու, առևտրական և հողերը պետք տարրերություն եվրոպական մի շարք երկրների, որտեղ հողերը իշխանությունը բաժանված էր աշխարհիկ իշխանությունից և կենտրոնացված կաթոլիկ եկեղեցու ձեռքում, Արևմտյան Հայաստանի քրդաբնակ վայրերում այդ բաժանումը ղկար։ Ֆեդալիտի ձեռքում էր գտնվում ինչպես աշխարհիկ, նույնպես և հողերի իշխանությունը։ Այդ ամենը, իհարկե, ավելի էր ուժեղացնում մի կողմից քրդական ֆեոդալի իշխանությունը, իսկ մյուս կողմից՝ աշխատավոր գյուղացիության տնտեսական հարստահարումն ու քաղաքական իրավադրկումը։

Աղաներն ու բեյերը գյուղացիներին վաճառում ու զնում էին։ Երկրի մի շարք շրջաններում նրանք, ինչպես արդեն ասվեց, գյուղացիներին վաճառում էին հողի հետ միասին։ Հին տիրոջ փոխարեն գալիս էր նորը, որը գյուղացիների հետ վարվում էր ըստ իր քմահաճույքի։ Ում ցանկանում էր՝ թողնում էր, իսկ ում չէր ցանկանում՝ արտաքսում էր իր հողից։ Բայց երկրի այլ շրջաններում աղաները վաճառում էին իրենց ճորտերին առանց հողի։ Այսպես, ժամա-

³³ Նույն տեղում, էջ 339։

³⁴ «Աղատամարտ», 1909, № 47։

³⁵ Բաֆի, Երկեր, հատ. 4, էջ 386։

նակակիցներից մեկը նշում էր, որ Սասունում «հայք մեկ քողեն մյուս քուլդին կվաճառվին»³⁶։ Իսկ մյուսը դրում էր, որ Հազգոյում «տեսա Մահտեսի վտուսնվամը հայ մեկը, որ մի քյուրդն ուրիշ քյուրդի մը կվաճառվեր։ Նորա արժեքը եղած էր (45) քառասուն և հինգ ոսկվո, և որո համար մունետիկ մըն ալ կշրջեր հրապարակը՝ նորա արժեքը հարցնող քյուրդերու հաղորդել և արժեքը բարձրացնող քյուրդ բեյեր պտնելու համար... աստ հայերն իբրև դերի կվաճառվին քուրդ աշիրեթի պեյերուն»³⁷։

Վանի ուսական փոխ-հյուպատոսը հաղորդում էր, որ Վասպուրականի որոշ շրջաններում ցեղապետերը «վաճառում են իրենց խաֆիրներին (այսինքն՝ խաֆիրատու գյուղացիներին — Ա. Հ.), հենց որ փողի կարիք են զգում»³⁸։

Ն. Ա. Լենսկին նշում էր, որ Արևմտյան Հայաստանի լեռնային մի շարք շրջաններում «գյուղացիները գնվում ու վաճառվում են որպես ապրանք»³⁹։

Քրդական ցեղապետերի կողմից հայ և քուրդ գյուղացիների առք ու վաճառքի մասին հաղորդում էին նաև մի շարք այլ հեղինակներ⁴⁰։

Աղաներն ու բեյերը, բացի առք ու վաճառքից, խառնվում էին գյուղացիների անձնական գործերին, օգտվում էին առաջին գիշերվա իրավունքից, ծաղր ու ծանակի էին ենթարկում նրանց։ Ահա փաստեր. 1882 թ. «Արձագանք»-ի թղթակիցը հաղորդում էր, որ Խիզանում, Մոտկանում և Շատախում աղան «սեփականատեր է ոչ թե միայն հայի հողի, նրա ունեցածի վրա, այլև նրա հողերը կյանքի, նորա անձի վրա։ Հայի աշխատանքը, կենդանիները, տուն ու տեղը քյուրդերինն է, հայ տղան, թե աղջիկը իրավունք չունին պսակվիլ, առանց քյուրդ բեյի թույլտվության, եթե ոչ տուգանքի են ենթարկվում, առանց նույն բեյի թույլտվության հայր ոչ իրավունք ունի յուր երեխան մկրտել, ոչ էլ յուր ննջեցյալին թաղել»⁴¹։

Մոտկանի գյուղացիներից մեկը 1881 թ. պատմում էր. «7—8 տարի առաջ աղջիկ մը ունեի, հայ երիտասարդի հետ նշանեցի, տերոջս հրամանը չհարցնելով, նշանն ալ օրհնել տվի, վերջը տերս լսեց, սաստիկ բարկությամբ գյուղ եկավ՝ ինձ նեղություններ տալե վերջը՝ ի պատիժ իմ հանդուգն ձեռնարկության տաս հատ ոսկի, քանի մը հատ ուխար, 3—4 զույգ նոր կոշիկ և այլն տուգանք առնելով՝ նույն նշանն ալ քակեց և աղջիկս ուրիշի մը տալ տվավ»⁴²։

1898 թ. «Մշակ»-ի թղթակիցը հաղորդում էր, որ Բուլանրխի Յոնչալու գյուղում Բողար աղայի որդին «նորապսակ հարսի առագաստը... կմտնե և ամենաչքնաղ կույսերին անմեղությունը կառնակեն»⁴³։

Համարյա նույն բանն էր հաստատում նաև Ռ. Բ. Տերմենը, որը գրում էր, թե Մանազկերտում «ինձ հաղորդեցին, որ քուրդ ցեղապետ Ֆաթեխ բեյը ունի

³⁶ «Մասիս», 1881, 10-ր նոյեմբերի։

³⁷ «Արձագանք», 1883, № 41, էջ 583։

³⁸ Թուսաստանի արտաքին քաղաքականության արխիվ. ֆ. «Դեսպանությունը Կ. Պոլսում», 1901, գ. 1587, թ. 15։

³⁹ Н. А. Ленский, О правовом положении землевладения в Турецкой Армении Петроград, 1916, էջ 17։

⁴⁰ Յե՛ս X. Փ. Բ. Լինչ, Армения, т. II, էջ 344։ ՌԱՔԱ, ֆ. «Երազարիվ», 1889—1894 թթ., գ. 1630, թ. 234։ «Ազատամարտ», 1909, № 171։ «Մշակ», 1890, № 64։

⁴¹ «Արձագանք», 1882, № 3, էջ 38։

⁴² «Մասիս», 1881, 5-ր նոյեմբերի։

⁴³ «Մշակ», 1898, № 80։

առաջին զիջերվա իրավունքը ամուսնացող բոլոր այն զեղեցիկ հայուհիների նկատմամբ, որոնք ապրում են նրա իշխանության տակ գտնվող գյուղերում»⁴⁴։

Աղաներն ու բեյերը անարգում էին իրենց ճորտ գյուղացիների պատիվը նաև Մշո պաշտում։ Ականատեսներից մեկը պատմում էր, որ Գոնգեմի գյուղում բեյերը «թմբուկ դարձել կուտան, ու իրենք նստած հրապարակի մեջ կըհրամայեն զեղի ամեն աղջիկ, հարս ու կնիկ դան պար խաղան, որին որ հավնին, զիջերը իրենց քով պետք է հրթան»⁴⁵։

Բացի այդ ամենից աղաները ծեծում ու սպանում էին իրենց ճորտերին հաճախ առանց որևէ մեկի առաջ պատասխան տալու։ Ռ. Ի. Տերմենը գրում էր, որ գյուղացու ամենափոքր ընդդիմության դեպքում ցեղապետը սպանում է նրան, «իսկ կառավարությունը դրա դեմ վճռականապես ոչինչ չի ձեռնարկում»⁴⁶։

Նույն բանն էր հաստատում նաև Դեղամ Տեր-Վարապետյանը, իրը նշում էր, թե բեյերը «ինքնակոչ իշխաններ են իրենց ուսաներու բոլոր դասակարգին չեն բավականանար կեղեքելով, թալանելով՝ այլև իրեն ստրուկներ կաշխատեցնեն տարապարհակ, որքան որ ուզեն, և երբեմն սպանելով իսկ դանոնք»⁴⁷։

Աղաների ու բեյերի կողմից գյուղացիների նկատմամբ զործադրած բռնություններն ու անարգումները իրենց արտահայտությունն են գտել նաև զեղարվեստական պրականության մեջ⁴⁸։

Ինչ վերաբերում է դատավարություններին, նախ՝ պետք է նշել, որ բրդական ցեղապետերը պապենական սովորության համաձայն հենց իրենք էին կատարում իրենց ցեղակիցների դատն ու դատաստանը։ 1890 թ. Վ. Փափազյանը գրում էր, որ Վասպուրականում ցեղապետի ձեռքում է գտնվում դատավարությունը, «ինչպես ուզե՝ կանն և ոչ ոք կարող է նրա դեմ խոսել»⁴⁹։

Երկրորդ՝ թուրքական իշխանությունները Արևմտյան Հայաստանի որոշ շրջաններում դատավորներ էին նշանակում հենց իրենց՝ հողատերերին։ Այսպես, Հյուսիսին բեկը կառավարության կողմից նշանակված էր Մանազկերտի Ակներ գյուղում դատավոր։ Ժամանակակիցներից մեկը 1913 թ. գրում էր, թե «Ակների հայերն են անոր գերիները, որոնց հողերը հետզհետե բռնագրաված է ու գրավելու վրա է»⁵⁰։

Երրորդ՝ թուրքական դատավորներն ու դատարանները համարյա ամբողջապես գտնվում էին աղաների ազդեցության տակ, շարժվում ու զործում էին նրանց թելադրանքով։ 1880-ական թթ. Ա. Մ. Կուլյուրակինը գրում էր, որ Չարսանջակում և Բալուում իրերի իսկական տերերը ոչ թե կայմակամն ու կադին են, այլ «10—15 բրդական բեկեր»⁵¹։

1914 թ. թղթակից Մտրակը նշում էր, որ երբ աղաները «կառավարությանը որևէ պաշտոնատուն էին մտնում, կայմակամից սկսած մինչև դատավորները

⁴⁴ Р. И. Термен. Отчет о полевой поездке 1907 года в Ванском, Битлисском и Диарбекирском вилайетах, Тифлис, 1909, էջ 56։

⁴⁵ «Գիվան հայոց պատմության», հատ. 13, էջ 100։

⁴⁶ Ռ. Ի. Տերմեն, նշվ. աշխ., էջ 53։

⁴⁷ Դ. Տեր-Վարապետյան, Հողային հարցը հայաբնակ նահանգներում մեջ, Կ. Պոլիս, 1911, էջ 68։

⁴⁸ Տե՛ս Վ. Փափազյանի «Թեթև հանույթ» պատմվածքը (Նրկեր, հւտ. 2, էջ 439—445)։

⁴⁹ «Մշակ», 1890, № 45։

⁵⁰ «Հորիզոն», 1913, № 174։

⁵¹ А. М. Кобакян, նշվ. աշխ., էջ 214—215։

ոտի էին կանգնում և իրենց աթոռները նրանց էին տալիս, իրանք կամ նրանցից ցածր էին նստում և կամ ոտքի վրա մնում»⁵²:

Նույն թվականին Վարդոյի դավառի Պազրան գյուղի բնակիչները դանդաղում էին, որ տեղի դատավորն ու նրա օգնականը գործում են իրենց շահագործող ու հարստահարող Ահմեդ աղայի թևակոխանքով, «այդ պատճառով մեր խրախուսները չեն հարգվիր և մեր բողոք անլսելի կմնա»⁵³:

Կարելի է բերել նաև բազմաթիվ այլ փաստեր XIX դարի վերջին քառորդում և XX դարի սկզբին Արևմտյան Հայաստանի գյուղացիության ճորտական կախվածության վերաբերյալ: Բայց սահմանափակվենք այսքանով:

Մենք չունենք վիճակագրական տվյալներ պարզելու համար այն հարցը, թե ճորտ գյուղացիները Արևմտյան Հայաստանի գյուղացիության ո՞ր մասն էին կազմում (և հաղիվ թե որևէ մեկն ունենա այդպիսի տվյալներ, քանի որ թուրքական կառավարությունը, որքանով մեզ հայտնի է, այդ ուղղությամբ որևէ աշխատանք չի կատարել), բայց աղբյուրներին մոտիկից ծանոթանալը հիմք է տալիս ենթադրելու, որ ճորտերը կախյալներից կամ կիսաճորտներից քանակապես բիշ էին:

1908 թ. հեղափոխությունից հետո երիտասարդ թուրքերը վերացված հայտարարեցին Արդուլ-Համիդի այն օրենքները, որոնք արդելակում էին գյուղացիների տեղափոխումները մեկ գյուղից մյուսը կամ գյուղից քաղաք: Փամանակակիցները նշում էին, թե սահմանադրությունը հայերի համար միայն «այն բարիքն է արտադրել, որ այժմ ազատ և անարգել երթևեկություն կա քաղաքից-քաղաք, գյուղից-գյուղ»⁵⁴:

Սակայն երիտասարդ թուրքերը Արևմտյան Հայաստանում չվերացրին ճորտատիրությունը: Գյուղացիները սահմանադրությունից անմիջապես հետո պահանջեցին ազաններից հող և ազատություն: Բայց ազանները օգտվելով երիտասարդ թուրքերի հովանավորությունից, մեծ մասամբ նրանց մերժեցին, իսկ որոշ դեպքերում էլ արտաքսեցին իրենց հողերից և փոխարենը բերեցին ուրիշներին: Ուշադրավ է, որ արտաքսված ճորտերը կամ արտազաղթում էին, կամ, չդառնալով ուրիշ ելք, երբեմն ստիպված էին լինում դիմել նախկին տերերին՝ նորից նրանց մոտ ապրելու համար: Եվ ազանները, օգտագործելով այդ առիթը, ավելի ամբարտապան էին պահում իրենց նրանց նկատմամբ: Այդպես վարվեց, օրինակ, Սևիդ-Ալին: Երբ խիզանի մի խումբ հայեր 1912 թ. դիմեցին նրան, նա պատասխանեց. «Դուք ուսուցանեք, իսկ մենք տիրողներ, ուստի դուք պարտավոր եք ըստ առաջնության նորեն ձեր տերերու զուլալաբան տալ, անոնց անկախության լուր և կապալը վճարել. այն որ քյուրտին պարտք ունի և իր հողը դրավ է անոր մոտ, անոր գլխավճարը կամ տարեկան տոկոսը վճարելու է. ես այսչափ վճարած եմ ըսելով վճարումը մերժել չրվար, սահմանադրություն, և լյուրիլեք է ըսելով ձեր այսչափ տարիներու պարտականություններեն ետ մնալը ներելի չէ»⁵⁵:

Երիտասարդ թուրքերը, օգտվելով առաջին համաշխարհային պատերազմի առիթից, տեղահան արեցին հայ ազգարնակչությանը և ենթարկեցին նրան

⁵² «Մշակ», 1914, № 125:

⁵³ «Ազատամարտ», 1914, № 1535:

⁵⁴ «Մշակ», 1911, № 188:

⁵⁵ «Գյուղանդիտ», 1912, № 4871:

ֆիզիկական բնաջնջման: Իսկ աղաներից ու բեյերից շատերը դործիք դարձած նրանց ձեռքին, ակտիվ մասնակցություն ունեցան այդ հրեշավոր սփռադործության:

О КРЕПОСТНИЧЕСКОЙ ЗАВИСИМОСТИ КРЕСТЬЯНСТВА
В ЗАПАДНОЙ АРМЕНИИ
В ПОСЛЕДНЕЙ ЧЕТВЕРТИ XIX И НАЧАЛЕ XX ВЕКОВ

А. С. АМБАРИАН

(Р е з ю м е)

Крепостничество является одной из форм феодальной зависимости крестьянства. Оно сложилось в Западной Армении еще в средние века и продолжало существовать в XIX веке. Правда, в 30—40 годах XIX столетия военно-ленное землевладение было заменено помещичьим землевладением, многие деревни были уничтожены, но крепостничество все же не было ликвидировано. Наоборот, после русско-турецкой войны 1877—1878 гг., в силу национально-аграрной политики султана Абдула-Гамида и слабого развития товарно-денежных отношений, оно получило в Западной Армении значительное развитие. Крепостничество не было упразднено в Западной Армении и буржуазной революцией в Турции 1908 года.

Как в средние века, так и в XIX в. крепостничество в Западной Армении, по сравнению, например, с рядом районов России, имело свои особенности. Если в России крепостные были прикреплены к личности помещика, то в Западной Армении — к данной местности или деревне. Эта особенность вытекала, с одной стороны, из характера военно-ленного землевладения, а с другой — из принципов шариа, запрещавших личную зависимость крестьянства. Кроме того, крепостничество в Западной Армении выражалось в более жестоких формах, так как здесь социальное угнетение крестьянства переплеталось с его национально-религиозным угнетением.